



Tjåhkanaddamråhkålvisá

Guojmmeliturgga jali álles tjoaggulvis råhkådalli tjåhkanaddamråhkålvisáv. Gå suttodåbdåstus la biejaduvvam tjåhkanaddamoassáj, de guojmmeliturgga råhkådallá tjåhkanaddamråhkålvisáv, madi álles tjoaggulvis suttodåbdåstusáv råhkådallá.

1

GL | Jubmel, ájis viessusit lip boahtám duostotjit dav majt sidá mijájda vaddet.
Rabá dal vájmojdime,
váj máhtep jáhkon dunji ádåstuhteduvvat.

2.

GL | Ájis Jubmel, tjåhkanam lip árudiját ávddåj gieresvuodat ja sádnesvuodat
iejvvitjit.
Sálli mijájda Vuojnjanisát ja rabá mijájt dasi majt sidá mijájda vaddet. Dibde bágut
vájmojdisema sáddjiduvvat, váj Kristus mijáj lunna viessu, ja sjaddap dujna akta ja
dievnnup duv juohkka ássjen.

3.

GL | Buorre Jubmel, guhti hekkav båssi juohkka ælláj, guddnedip ednamat
tjábbudagá ávdás, ja gákja ávdás mij dibddá mijájt dåbddåt dån la buorre. Dáppe
árudiját ávdán råhkådallap: Vatte mijájda gullogis bieljijt, gjittogis vájmojt ja
dievnastiddje giedajt, váj bessap bágut gullat, buorrevuodat hievedit, ja bágoj ja dagoj
baktu vihtanit stuorravuodat birra.

4.

GL | Jubmel, ájis viessusit lip boahtám.
duostotjit dav majt dån Jubmel Áhttje, sjivnnjediddjám,
dån Hærrá Jesus, lánestiddjám,
dån Ájis Vuojnjanis, jaskadiddjám iellemin ja jábmemin, sidá munji vaddet.
Rabá dal vájmum Ájis Vuojnjanisát baktu, váj máhtáv suttojdam soarjjit, viessot
jáhkon ármmusit ja juohkka biejve duohta ja ájis iellemij ádåstuhteduvvat álles
álmugat siegen.

5.

GL | Jubmel, dån la mijájs akta.
G | Jubmel, dån la mijájs akta.
GL | Jubmel, dån birásta mijájt.
G | Jubmel, dån birásta mijájt.
GL | Adnala mijájt giedanit.
G | Adnala mijájt giedanit.

6.

Denen gå dán tjåhkanaddamråhkålvisán la suttojdåbdåstibme, de máhttá
suttojdåbdåstimev guodet ietján jubmeldievnastusán.

Råhkålvis lávloduvvá vuorrolávllagin Liturga, GL (lállo) ja tjoaggulvisá gaskan.

L | Åskulasj Jubmel, mijájda vattá ádå hekkav ájlis gásta baktu.
Gástan mierkkiduvvap ruossa merkajn váj dunji gullup.
GL | Mánájat lip. Ádåstuhte uddni jáhkuma ja gieresvuodama.

Liturgga gálmimi tjátjev gásstalihtes goajvvi, sæmmi láhkáj degu gástan.

L | Ádjájuovsa láhkáj tjuovggi loahpádusájat, Jubmel
- mærkkan lihttosit juohkka ájnna viesso sjivnnjádusájn.

GL | Gijte ja lávlo boahtep duv lusi,

T | **Gijte ja lávlo boahtep duv lusi.**

GL | Dán la doajvvuma.

T | **Dán la doajvvuma.**

L | Dåbdå iellemijdema. Ij la mige duv åvdås tjiegaduvvam.

GL | Sidodat vuosstij lip dakhkam, budájdat doadjep.

T | **Sidodat vuosstij lip dakhkam, budájdat doadjep.**

GL | Luoje mijájda ándagis, Jubmel.

T | **Luoje mijájda ándagis, Jubmel.**

L | Jesusav hávdes tjuodtjelahti.

Suv baktu gástan tjuottjelduvvap ádå iellemij.

GL | Ádjájuovsa láhkáj tjuovggi loahpádusájat, Jubmel

T | **Ádjájuovsa láhkáj loahpádusájat tjuovggi, Jubmel**

GL | - mærkkan lihttosit juohkka ájnna viesso sjivnnjádusájn.

T | **- mærkkan lihttosit juohkka ájnna viesso sjivnnjádusájn.**

7.

Dáv råhkålvisáv hiehpá sierraláhkáj råhkådallat jumbeldievastusán gánnå li moadda máná.
Mánnájuogos máhttá tjoaggulvisá ávdân tjuodtjot ja merkajt vuosedit. Da tjoaggulvisán gudi sihti,
máhti giedajt labudallat mánáj siegen.

Låggri giedajt

GL/L | Gieres Jubmel, mijá lunna la. Tsahkkida tjuovgat vájmojnimme.

Fármasta ietjat

GL/L | Gieres Jubmel, mijá siegen váttsá. Dibde mijájt ráfenat viessot.

Bieja giehtavuodojt nuppe vuosstij tjuvddegietjij bajás

GL/L | Gieres Jubmel, mijájt vuojná.

Duosto ájádusájdimme ja sjávo råhkålvisájt.

Bieja giedajt njuolgga álgus ja giehtavuodo bajás

GL/L | Gieres Jesus, bieja giedajdimme giedajat sisi. Lájddiju mijá buorre gæjnnusit.

Válldup sijáv gudi guoran tjåhkkåhi, giedas

GL/L | Buorre Ájlis Vuojnjanis, gjitto gå ep la aktu. Viehkeda mijájt vuojnnet guhtik
guojmáma gieresvuodajn.

8.

GL | Ájlis Jubmel, guhti I mijájda iellemav vaddám vattáldahkan:

Gijtto gå mijájt gástan duosto
ja mijájt iehkedismállásin nanni.
Lájddiju mijájt bágut baktu
ja rabá vájmojdimme dasi majt mijájda sidá vaddet.

9.

Oase tjåhkanaddamråhkålvisás ma málssu girkkojage milta

Basádis

Jesus Kristusav vuordatjip.
Jábmema sjievnnejedav boahtá doajátjit.

(1)

Jubmel, ájis viessusit lip boahtám duostotjít dav majt mijájda sidá vaddet.

Jesus Kristusav vuordatjip.

Jábmema sjievnnejedav boahtá doajátjit. Råhkålip: Rabá dal vájmojdimme,
váj máhttep jáhkon dunji ådåstuhteduvvat.

(2)

Ájis Jubmel, árudiját ávddáj lip tjåhkanam gieresvuodat ja sádnesvuodat iejvvitjít.

Jesus Kristusav vuordatjip.

Jábmema sjievnnejedav boahtá doajátjit.

Råhkådallap: Sálli Vuojηjanisát

ja bigoda majt mijájda sidá vaddet.

Dibde bágut vájmojnimme ruohtsajt dahkat,
váj Kristus mijá lunna viessu, ja sjaddap dujna akta ja duv juohkka ássjen dievnnup.

(3)

Buorre Jubmel,

Jesus Kristusav vuordatjip.

Jábmema sjievnnejedav boahtá doajátjit.

Árudiját ávdán råhkådallap: Vatte mijájda gullogis bieljijt, gjitte vájmojt ja
dievnastiddje giedajt, váj bessap bágut gullat, buorrevuodat hievedit, ja bágoj ja dagoj
baktu vihtanit stuorravuodat birra.

Javla

Javllaiehket

Mánáv kruppon mijájda sálli dan ájis ijá gá ieŋŋila lánåstusáv ja ráfev ednamin lávllun.

Javllabiejvve

Dibdi Bágut almatjin sjaddat ja mijá lusi boahtet gá Kristus, lánestiddjema, riegádij.

Ådåjakbiejvve

Lánåstusáv ja ráfev sálli Jesusa namán ja mijá siegen ådå jage sisi váttsá.

Bigodimeájgge

*Kristusin herlugisvuodat vuojnnep.
Sân la værálda tjuovgga mij gákka álmmugijda tjuovggá.*

Fásstoájge

Tjuovvolit
*Mijájt gáhtjo Jesusav tjuovotjít,
guhti guodij gákka ietjas bieles duv dievnnutjít.*

Pasjåvnnå
*Mijájda Jesusav lánástussaj ja ráfáj sálliji.
Suv jábmém iellemav ja såbadusáv vaddáuttojimme ávdås.*

Márjábiejvve

*Hærrájt tråvnås vuolus dassali ja låggniji vuollegettajt. Gijttep Márjá ávdås guhti
værálda lánestiddjev riegádahtij.*

Bæssátja

Jesusav hávdes tjuodtjelahti ja jábmema fámo badjel vuojtti.

Kristusa vuolggembiejvve

Bárnát Jesus Kristusav aledi ja oalges giehtasit biedji.

Ájlistagá

Dálå njuoktjamijt áhpadisálmmáj badjel sálliji ja sijáv Ájis Vuojñjanisájnit dievddi.

Gálmaktesvuoda ájge - Åbbålasj

*Mijájda la ríkat Jesus Kristusa baktu sállim
ja mijájt gáhtjo Ájis Vuojñjanisát baktu jáhkkuj ja dievnumij*

Sjvnnjádusá biejvve
*Vuojñjanisát sálli, ja hægga sjaddá.
Ednama árudijáv ádåstuhtá ja mijájt buorre vaddásij gallidahtá.*

Olsok

*Sáhkaguoddijdit sálliji ruossa merkav dáppe nuorttan tsieggitjít.
Dibdá mijájt vuojnnet dav fámov mij sjiebtjesvuodan álliduvvá.*

Buorádus- ja råhkålvisbiejvve

*Mijájda luojtáuttojdímmé ándagis
ja mijájt bæjválattjat gáhtjo buorádussaj.*

Gákka ájllisij biejvve

*Gijttep duv sijáj diehti gudi li buorre doarov dárrum, jávsádam ja jáhkon bissum.
Dán la mijájda ihkeva mihtov ietjat lusi biedjam.*

Gákka ájllisij sådnåbiejvve / Mujtobiejvve / Girkkojage manemus sådnåbiejvve
Dán la vuostasj ja manemus.

Ármmut la doajvvuma ja jaskadussama.

Skallolåhkåm

*Mijájt gástan duosto
ja mijá lunna biso gákka iellema biejvijt.*

Sámij álmmukbiejvve ja moarmesmáno 17. biejvve

*Dán la gáhttjum gákka ednama álmmugav aktan liehket ja viessot ráfen ja
rievtugisvuodan.*

Rievtesferdukuoda ja ráfe ávdás / doalvoduvvij sådnåbiejvve / snjuktjamáno 8. biejvve / moarmesmáno 1. biejvve

*Gákka almatjjit la gávánit sjivnnjedam.
ja gáhtjo mijájt almasjárvov suoddjitjít.*

10.

Bájkálattjat hiebaduvvam tjåhkanaddamråhkålvis

Ájnegin jubmelienvastusájn bæssá adnet ietjá tjåhkanaddamråhkålvisájt gå dájt ma li dáonna. Råhkålvis máhttá moattet sajes viettjaduvvat, jali bájkálattjat tjáleduvvat.

1. Råhkålvis galggá gávvidit girkkuma jáhkov ja dåbdåstusáv ja danna galggá liturgijjalasj ja poesijjalasj guodelisvuohita.
2. Ájninasamos råhkålvisán la bágoj tjielggit jut aktan lip Jubmela árudijá ávdán, aktisasjyuohtan, aktugasj ulmutjin ja oassen sjivnnjádusás. Råhkålvis galggá ávddán buktet vuorddemusáv ja ávov gá galggap bessat Jubmelav iejvvit jubmelienvastusán.

3. Tjåhkalvisrâhkålvis máhttá dættodit duov dáv motivav, duola degu:

- Sådnåbiejvve tjuodtjelime biejvven.
- Jesus Kristusa lahka liehket gå suv namán tjåhkanip.
- Jubmela viessuj åhtsålít.
- Gijttogisvuhta gå Jubmel la mijájt gávnnam ja duosstum.

- Jubmela giedaj sisi gákka biedjat.
- Gásta mujtádahttem.
- Rabás mielajn duosstot Bágo dagojt iellemijnema
- Bákuj ja sakramentajda tjåhkanit.
- Gåhtjom vuolgadibmáj ja tjuovvolibmáj.

11.

Tjåhkanaddamrâhkålvis sárme jali katastråvfå bále

Gå sármme jali katastråvfå la ládam bájkev, nasjávnåv jali ietjá sajev væráldin, de la luondulasj dibddet dav vájkkudit tjoaggulvisá oajvvejubmeldorfastusá rähpamij.

Dáv bierri dahkat gå sármme ja katastråvfå la dakkir jut guosská álles tjoaggulvissaj, jali sáhka dan birra la oabllum navti váj tjoaggulvis dádjat manen dát nammaduvvá. Gå sármme ja surggo guosská avta ulmutjij jali nágín gallegattjaj de la luondulabbo dáv váldet fárruj tjoaggulvisá râhkålvisssaj.

Máhttá avtav jali moadda hiebalgis rámátbágo lâhkåt tjåhkanaddamrâhkålvisá sadjáj, gehtja duola degu Sal 130,1-2; Sal 38,22-23; Sal 44,25-27; Sal 10,1.12b.14

Rámátbágo siegen jali dan sadjáj máhttá râhkådallat hiebalgis râhkålvisáv, majt bájkálattjat la hábbmim jali viettjaduvvam Surggojubmeldorfastusás, Vuona girkko Râhkålvisgirjes (gehtja râhkålvisáv nr. 144, 145, 146 og 163) – jali ietjá gáldojs. Râhkålvisssan máhttá aj tjuoldeduvvam sálmaværssa aneduvvat, duola degu Norsk salmebok nr. 747, 749, 750, 751 ja 678.

Râhkålvisá máhttá álgadit nágín bágoj sárme jali katastråvfå birra. Jus rámátbágo aneduvvi de máhttá javllat:

L | Bágojimme e vuorbástuvá dádjadahtes sælldásijñ. Lâhkup danen Rámádis mijá luodjomij ja râhkålvisssaj:

Râhkålvisá manjela máhttá liehket sjávodisvuhta, mav máhttá návti álgadit:

L | Lehkup sjávodisvuodan ájádusáj ja râhkålvisáj.

Dan manjela oajvvadip jubmeldorfastus joarkká Kyrie eleisonijñ jali hiebalgis Kyrielitanijjajn.